

տեղ նորան հասաւ Օսմանի թուղթը, թէ՛
 «Մուավիա ի. Աբու Սուֆիան ինձ կը գրէ՛՝ Աս-
 լուր ստացայ, որ յոյնք մեծ բազմութեամբ կ'ար-
 շաւեն մուսլիմների դէմ. ես կարծում եմ, որ նա
 նոցա օգնութեան կուղարկէ կուֆայիներէց, իսկ
 դու ուղարկիր թշնամու դէմ մի քաջ եւ սրտոտ
 մարդ 8 կամ 9,000 զօրքով այնտեղէց, ուր քեզ
 կը հասնի իմ թուղթը: Ողջոյն:» Աւելիք դարձաւ
 դէպի զօրքը, տեղեկացրեց նորան (այս) բանի
 մասին եւ ուղարկեց Սալման ի. Ռաբիա Բահլին
 8,000 զօրքով հանդերձ: Սալման արշաւեց եւ
 մտաւ Ասորիքի ժողովրդի հետ յունաց երկիրը,
 ուր նա՛ իւր զօրքը բաժանելով մի քանի գնդերի՝
 անպատակ սփռեց, աւերեց ինչ որ կամեցաւ եւ
 առաւ բազմութիւ ամրոցներ:

Այլք կը պատմեն, որ Սայիդ ի. Աս ուղար-
 կեց Հաբիբ ի. Մասլամային Սալման ի. Ռաբիայի
 հետ հանդերձ մուսլիմներին օգնութեան. պատ-
 ճառն այն էր, որ Օսման գրեց Մուավիային՝ ու-
 ղարկել Հաբիբ ի. Մասլամային ասորիքի ժողովրդի
 հետ Հայաստան. Մուավիա ուղարկեց, եւ Հաբիբ
 գնաց պաշարեց կարին եւ այնպէս նեղեց քաղաքի
 բնակիչներին, որ նոքա խնդրեցին իրենց խնայել՝
 գաղթելու կամ հարկ տալու պայմանով. նոցանից
 շատերը գաղթեցին եւ բնակեցան յունաց
 երկրում: . . . :

31. Թ. ըստ ոմանց Հայաստան նուաճեց
 Հաբիբ ի. Մասլամայ:

42 Թ. Հայաստանում մեռաւ Հաբիբ ի.
 Մասլամայ ֆիհրի, որին Մուավիա դրել էր կառա-
 վարիչ երկրի վերայ:

73 Թ. Աբդուլմալիք դրեց իւր եղբայր Մու-
 համեդին կառավարիչ Միջագետքի եւ Հայաս-

1 Շարունակութիւնը բառացի քաղուած է Բեւա-
 զորիից: